

四庫全書

集部

欽定四庫全書

御定全唐詩卷五百三十七

許渾

泛五雲溪

此溪何處路遙問白髯翁佛廟十巖裏人家一島中魚

傾荷葉露蟬噪柳林

一作枝

風急瀨鳴車軸微波漾釣筒

石苔紫棹綠山果拂舟紅更就千村

一作溪

宿溪

一作村

橋

與剡通

寄郴州李相公

高樓王與謝逸韻比南金不遇銷憂日挨塵誰復尋曠
懷澹得喪失意縱登臨彩檻浮雲迴綺窗明月深虬龍
壓滄海鴛鴦思鄧林青雲傷國器一作語白髮軫鄉心功
高思自洽道直訪徒侵應笑靈均恨江畔獨行吟

贈蕭鍊師并序

鍊師貞元初自梨園選為內妓善舞柘枝宮中莫
有倫比者寵錫甚厚及駕幸奉天以病不獲隨輦

遂失所止泊復宮闕上頗懷其藝求之決日得於
人間復聞神仙之事謂長生可致乞奉黃老上許
之詔居嵩南洞清觀迄今八十餘矣雪膚花顏與
昔無異則知龜鶴之壽安得不由所尚哉因賦是
詩題於院壁

曾試昭陽曲瑤齋

一作階

帝自臨紅珠絡繡帽翠鈿束羅

襟雙闕胡

一作朝

塵起千門宿露

一作霧

陰出宮迷國步回

駕軫皇心桂殿春空晚椒房夜自深急宣求故劍冥契

得遺簪暗記神仙傳潛封女史

一作玉女

箴壺中知日永掌

上畏年侵莫比班家扇寧同卓氏琴雲車辭鳳輦羽帔

別駕衾綢斷魚遊藻籠開

一作開

鶴戲林洛烟浮碧漢嵩

月上丹岑露

一作霧

草爭三秀風篴共八音吹笙延鶴舞

敲磬引龍吟旄節纖腰舉霞杯皓腕斟還磨照寶鏡猶

插辟寒金東海人情變南山聖壽沈朱顏常似渥綠髮

已如

一作加

尋養氣齊生死留形盡古今更求應不見雞

犬日駸駸

冬日宣城開元寺贈元孚上人

一鉢事南宗僧儀稱病容曹溪花裏別蕭寺竹前

一作間

逢燭影深寒殿經聲徹曙鐘欲齋簷睡

一作下

鵠

一作鵠

初定壁吟蛩詩繼休遺韻書傳永逸蹤藝多人譽洽機

一作緣

絕道情濃汲澗瓶沈藻眠堦錫挂松雲鳴新放鶴

池卧舊降龍露茗山厨焙霜杭野碓春梵文明處譯禪

衲暖時縫層塔題應遍飛軒步不慵繡梁交辟荔畫井

倒芙蓉翠戶垂旗網朱窗列劍鋒寒風

一作

金磬遠

一作

響晴雪玉樓重妙理三乘達清才萬象供山高橫睥睨

灘淺聚鰲腫微霧

一作霧

蒼平楚殘暉淡遠峰林疎霜撼

撼波靜月溶溶劒出因雷煥琴全

一作焦

遇蔡邕西方知

一作如

有社文許合相從

維舟秦淮過温州李給事宅

給事為郎日青溪醉隱銜永池通極浦雪逕遶高巖珠

玉砂同弃

一作見

松筠草

一作梅墜

共芟帝圖憂一失臣節恥

三緘代有王陵薏時無靳尚讒定應標

一作標

直筆寧為

發空函霧黑連雲棧風狂截海帆石梯迎雨濶沙井帶
潮鹹蠟屐青筇杖籃輿白罽衫應勞北歸夢山路正巉
巖

登蒜山

一本有
津字

觀發軍

羽檄徵兵急轅門選將雄犬羊憂破竹貔虎

一作
武

極飛

蓬

一作
龍

定繫

一作
擊

猖狂虜何煩矍鑠翁更探黃石

一作
谷略

重振黑山功別馬嘶營柳驚鳥散井桐低星連寶劍殘
月讓雕弓浪曉戈鋌裏山晴鼓角中甲開魚照水旗颺

虎挐風去想金河遠行知

一作間

玉塞空漢庭應有問師

律在元戎

送從兄別駕歸蜀

并序

從兄彥昭與桂陽令韋伯達貞元中俱為千牛伯
達官至王府長史長慶中非罪受譴前年會赦復
故秩詔未及而已沒從兄自蜀而南發旅櫬歸葬
塗上既而西旋因成十韻贈別

間與湘南令童年侍玉墀家留秦塞曲官謫瘴溪湄道

直姦臣屏寃深聖主知逝川東去疾霈澤北來遲青漢

龍髯絕

一作去

蒼岑

一作山

馬鬣移

一作悲

風淒聞笛處月慘

罷琴時客路黃公廟鄉關白帝祠已稱鸚鵡賦寧誦鵲

鵲詩遠道書難達長亭酒莫持

一作重達

當憑蜀江水萬里

寄相思

金陵阻風登延祚閣

極目皆陳迹披圖問遠公戈鋌三國後冠蓋六朝中葛

蔓交殘壘芒

一作苔

花沒後

一作廢

宮水流簫鼓絕山在綺

羅空極浦千艘聚高臺一徑通雲移吳

一作

岫雨潮轉

楚江風登閣慙漂梗停舟憶斷蓬歸期與歸路杉桂海

門東

送林處士自閩中道越由霅抵兩川

書劍少青眼煙

一作風

波初白頭鄉關背梨

一作

嶺客路

轉蘋洲處困道難固乘時恩易酬鏡中非訪戴劍外欲

依劉高枕海天暝落帆江雨秋鼉聲應遠鼓蜃氣學危

樓智士

一作

役千慮達人經

一作

百憂唯聞陶靖節多

在醉鄉游

宣城贈蕭兵曹

桂檝謫湘渚三年波上春
舟寒剡溪雪衣破洛城塵
客道恥搖尾皇恩寬犯鱗
花時去國遠月夕上樓頻
貪酒不辭病傭書非為貧
行吟值漁父坐隱對樵人
數陌罷雙轍碧潭窮一綸
高歌更南去煙火是通津

秋夕宴李侍御宅

公子徵詞客秋堂

一作空

遞玉杯月高羅幙卷風度錦屏

開鳳管添簧品
鷗絃促柱哀轉喉
雲旋合垂手露徐來
燭換三條燼香銷十炷灰
蛩聲聞鼓歇螢燄觸簾回
廣檻煙分柳空庭露積苔
解醒須滿酌應為撥一作新醅

晨自行徑至龍興寺崇隱上人院

佛寺通南徑僧堂倚北坡
藤陰迷晚竹苔滑仰去聲晴莎

病憶春前別閒宜雨後過
石橫聞水遠林缺見山多
欲

結三天社初降十地魔毒一作素龍來有窟靈鶴去無窠

客路隨萍梗鄉園失薜蘿
禪心如可學不藉魯陽戈

歲暮自廣江至新興往復中題峽山寺四首

夜醉晨方醒孤吟恐

一作乍

失羣海鰲潮上見江鵠霧中

聞未臘梅先實

一作綻

經

一作終

冬草自薰樹隨山崦合泉

到石稜分虎跡空林雨猿聲絕

一作暮

嶺雲蕭蕭異鄉鬢

明日共絲棼

薄暮緣

一作沿

西峽停橈一訪僧鷺巢橫卧柳猿飲倒垂

藤水曲巖千疊雲重樹百層山風寒殿磬溪雨夜船燈

灘漲危槎沒泉衝

一作春

怪石崩中臺一襟淚歲杪別良

朋

密樹分蒼壁長溪抱碧岑

一作山

風聞鶴遠潭日見魚

深松蓋環清韵榕根架綠陰

南方有大葉榕樹枝垂入地生根

洞丁多

斲石蠻女

一作客

半淘金

端州斲石塗涯縣淘金為業

南浦驚春至西

樓送月沈江流不過嶺何處寄歸心

月在行人起千峰復萬峰海虛爭翡翠溪邏關芙蓉

南方

呼市為虛呼戌為邏新州有翡翠虛芙蓉邏

古木高

一作空

生榭陰池滿種松

木榭花生於他樹槎枿池沼多松謂之水松

火探深洞燕香送遠潭龍

南方持火

於乳洞中取燕而食康州悅城縣有溫媪龍即蛇也
隨水往舟船至人家或千里外皆以香酒果送之
藍

塢寒先燒禾堂晚并春

種藍多在塢中先燒其地人以木槽春禾謂之禾堂更投

何處宿西峽隔雲鐘

南海使院對菊懷丁卯別墅

何處曾移菊溪橋鶴嶺東籬疎還有艷園小亦無叢日
晚秋烟裏星繁曉露中影搖金澗水香染玉潭風罷酒
慙陶令題詩答謝公朝來數花發身在尉佗宮

和李相國

并序

蒙賓客相國李公見示和宣武盧僕射以吏部高

尚書自江南赴闕貺大梨白鷗因贈五言六韵攀

和

巨寶珍吳果馴雛重越禽摘來漁浦上攜在兔園陰霜

合凝丹頰風披歛素襟刀分瓊液散龍簌

一作掩一作藏雪華

深虎帳齋中設龍樓洛下吟含消兼受

一作愛彩應貴冢

卿

一作異鄉心

陪少師李相國崔賓客宴居守狄僕射池亭

池色似瀟

一作擬三

湘仙舟正日

一作日正

長燕飛驚蛺蝶魚躍

一作戲

動鴛鴦雲聚

一作定

歌初轉風回舞欲翔暖

一作新

醅

松葉嫩寒粥杏花香羅綺留春色

一作意

笙竽送晚光何

須明月夜

一作下

紅燭在華堂

和賓客相國詠雪

近臘千巖白迎春四氣催雲陰連海起風急度山來盡

日隋堤絮經冬越嶺梅艷疑歌處散輕似舞時迴道蘊

詩傳麗相如賦騁才霽添松篠媚寒積蕙蘭猜暗漲宮

池水平封輦路埃燭龍初照耀巢鶴乍裴回簷日瓊光
挂牆風粉旋摧五門環玉壘雙闕對瑤臺綺席陵寒坐
珠簾遠曙開靈芝霜下秀仙桂月中栽春幌書千帙援
琴酒百榼垂休編太史呈瑞表中台皓夜迷三徑浮光
徹九垓茲辰是豐歲歌詠屬良哉

奉和盧大夫新立假山

巖谷留心賞為山極自然孤峰空迸笋攢萼旋開蓮黛
色朱樓下雲形繡戶前砌塵凝積靄簷溜挂飛泉樹暗

壺中月花香洞裏天何如謝康樂海嶠獨題篇

奉命和後池十韻

疊石通溪水量波失舊規芳洲還屈曲朱閣更逶迤浴
鳥翻荷葉驚蟬出柳絲翠烟秋檜聳紅露曉蓮披攀檻
登樓近停橈待客遲野橋從浪沒輕舸信風移竹韻遷
碁局松陰遞酒卮性閒鷗自識心遠鶴先知應想秦人
會休懷越相祠當期穆天子簫鼓宴瑤池

御定全唐詩卷五百三十七

欽定四庫全書

御定全唐詩卷五百三十八

許渾

雨後思湖上居

一作雨中
憶湖山居

前山風雨涼歇馬坐垂楊何處芙蓉落南渠秋水香

聞歌

新秋絃管清時轉過雲聲曲盡不知處月高風滿城

思天台

赤城雲雪深山客，負歸心。昨夜西齋宿，月明琪樹陰。

長安早春懷江南

雲月有歸處，故山清洛南。如何一作秦城一花發，春夢徧一作

滿江潭

塞下

夜戰桑乾北，一作雪秦兵半不歸。朝來有鄉信，猶自寄征衣。

送客南歸

一作寓居崇聖寺送客南浦

野寺薜蘿晚，官渠楊柳春。歸心已無限，更送洞庭人。

寄桐江隱者

潮去潮來洲渚春
山花如繡草如茵
嚴林臺下桐江水
解釣鱸魚能幾人

送曾主簿歸楚州省覲予亦明日歸姑孰

帆轉清淮極

一作乃

鳥飛落帆應換老萊衣
河亭未醉先

惆悵明日還從此路歸

重別

時諸妓同餞一作重別曾主簿

淚泫紅粉濕羅巾
重繫蘭舟勸酒頻
留却一枝河畔柳

明朝猶有遠行人

湖上

髣髴欲當三五夕萬蟬

一作蟾

清雜亂泉紋釣魚船上一

尊酒月出渡頭零落雲

夜泊永樂有懷

蓮渚愁紅蕩碧波吳娃齊唱採蓮歌橫塘一別已千

一作

餘里蘆葦蕭蕭風雨多

宿水閣

野客從來不解愁等閒乘月海西頭未知南陌誰家子
夜半吹笙入水樓

謝亭送別

一作客

勞歌一曲解行舟紅葉一作樹青山水急流日暮酒醒人已
遠滿天風雨下西樓

酬李當

知有瑤華手自開
巴人虛唱懶封回
山陰一夜滿溪雪
借問扁舟來不來

蟬

噪柳鳴槐晚未休不知何事愛悲愁
朱門大有長吟處
剛傍愁人又送愁

夜過

一作泊

松江渡寄友人

清露白雲明月天與君齊棹木蘭船
南湖風雨一相失
夜泊橫塘心渺然

守風淮陰

遙見江陰夜漁客因思京口釣魚時
一潭明月萬株柳

自去自來人不知

亡題

一作學仙

商嶺採芝尋四老
紫陽收術訪三茅
欲求不死長生訣
骨裏無仙不肯教

送楊發東歸

紅花半落燕于飛
同客長安今獨歸
一紙鄉書報兄弟
還家羞著別時衣

寄宋祁

一作寄宋次都
一作寄友人

朱檻煙霜

一作窗

夜坐勞美人南國舊同袍山長水遠無消

息瑤瑟一彈秋月高

題四老廟二首

一作重經
四皓廟

峩峩商嶺采芝人雪頂霜髯虎豹茵山酒一卮

一作壺

歌一

曲漢家天子忌功臣

避秦安漢出藍關松桂花陰滿舊山自是無人有歸意
白雲常在水潺潺

夏日寄江上親友

雨過前山

一作
山前

日未斜清蟬嘒嘒落槐花車輪南北已無

限江上故人纔到家

下第懷友人

獨掩衡門花盛時一封書信緩歸期
南宗更有瀟湘客
夜夜月明聞竹枝

客有卜居不遂薄遊汧隴因題

海燕西飛白日斜
天門遙望五侯家
樓臺深鎖無人到
落盡春風第一花

陳宮怨二首

風暖江城

一作頭

白日遲昔人遺事後人悲草生宮闕國無

主玉樹後庭花為誰

地雄山險水悠悠不信隋兵到石頭玉樹後庭花一曲

與君同上景陽樓

經故太尉段公廟

靜

一作徒

想追兵緩翠華古碑

一作城邊

荒廟閉松花紀生不向榮

陽死爭

一作豈

有山河屬漢家

途經秦始皇墓

龍盤虎踞樹層層勢入浮雲亦是崩一種青山秋草裏

路人唯

一作誰

拜漢文

一作元陵

游楞

一作曼

伽寺

碧

一作晚

煙秋寺泛潮

一作湖

來水浸城根古堞摧盡日傷

心人不見石榴

一作梅

花滿

一作發

舊岑

一作歌

臺

緱山廟

王子吹簫

一作求仙

月滿臺玉簫

一作笙

清轉鶴裴回曲終飛

去不知處山下碧桃春自

一作開
無數

送薛先輩入關

一卮春酒送離歌
花落敬亭芳草多
欲問歸期已深醉
只應孤夢繞關河

鴻溝

相持未定各為

一作懷

君秦政山河此地分
力盡烏江千

載後古溝芳

一作荒

草起寒雲

韓信廟

朝言雲夢暮南巡已為功名少退身盡握兵權猶不得
更將心計託何人

過湘妃廟

古木蒼山掩翠蛾月明南浦起微波九疑望斷幾千載
斑竹淚痕今更多

寄雲際寺敬上人

萬山秋雨水縈回紅葉多從梵閣來雲冷竹齋禪衲薄
已應飛錫過一作天台

秋思

一作秋
日

琪樹西風枕

一作華

簟秋楚雲湘水

一作月

憶同遊高歌一

曲掩明鏡昨日少年今白頭

送宋處士歸山

賣藥修琴歸去遲山風吹盡

一作落
一作老

桂花枝

一作時
一作世間

甲子須臾事

一作過

逢著仙人

一作翁

莫看棋

聽琵琶

欲寫明妃萬里情
紫槽紅撥夜丁丁
胡沙望盡漢宮遠

月落天山間一聲

秦樓曲

秦女夢餘仙路遙月窗風簾夜迢迢潘

一作何
一作伴

郎翠鳳

雙飛去三十六宮間玉簫

旌儒廟

寒陌

一作谷
一作柏

陰風萬古悲儒冠相枕死秦時廟前亦有

商山路不學老翁歌薺芝

覽故人題僧院詩

高閣清吟寄遠公四時雲月一篇中今來借問獨何處
日暮槿花零落風

楚宮怨二首

十二山晴花盡開楚宮雙闕對陽臺細腰爭一作起舞君

沈一作王醉白日秦兵天一作江上來

獵騎秋來在一作向內稀渚宮雲雨濕龍一作君衣騰騰戰

鼓動城闕江畔一作上射麋殊未歸

聽唱山鷓鴣

一作聽
吹鷓鴣

金谷歌傳第一流。鷓鴣清怨碧烟一作愁夜來省得曾聞。

處萬里月明湘水秋。

一作流

晨起西樓

留情深處駐橫波。歛翠凝紅一曲歌。明月下樓人未散，共愁三徑是天河。

酬江西盧端公藍口阻風見寄之作

又攜刁筆泛一作從膺舟。藍口風高桂楫留。還似郢中歌一

曲，夜來春雪照西樓。

贈何處士

東別茅峰北去秦梅仙書裏說真一作知人白頭主印青山
下雖遇唐生不敢親

鷺鷥

西風澹澹水悠悠雪點一作照絲飄帶雨愁何限一作事歸心倚
前閣綠蒲紅蓼練塘秋

學仙二首

漢武迎仙紫禁秋玉笙瑤瑟祀崑丘年年望斷無消息

空閉重

一作玉

城十二樓

心期仙訣意無窮
采畫雲車起壽宮
聞有三山未知處
茂陵松柏滿西風

酬康州韋侍御同年

桂楫美人歌木蘭
西風裊裊露漙漙
夜長曲盡意不盡
月在清

一作滿

湘洲渚寒

紫藤

綠蔓穠陰紫袖低
客來留坐小堂西
醉中掩瑟無人會

家近江南罨畫溪

宿咸

一作咸

宜觀

羽袖飄飄香

一作香

夜風翠幢歸殿玉壇空步虛聲盡天未

一作將

曉露壓桃花月滿宮

金谷園

三惑沈身是此園古藤荒草野

一作暮

禽喧二十四友一朝

盡愛妾墜樓何足言

送崔珣入朝

書劍功遲白髮新
強登蕭寺送歸秦
月斜松桂倚高閣
明夜江南江北人

病中和大夫翫江月

江上懸光海上生
仙舟迢遞繞軍營
高歌一曲同筵醉
却是劉楨坐到明

讀庾太子傳

佞臣巫蠱已相疑
身沒湖邊築望思
今日更歸何處是
年年芳草上臺基

酬對雪見寄

飛度龍山下遠空拂簷紫竹畫濛濛
知君吟罷意無限
曾聽玉堂歌北風

王可封臨終

十世為儒少子孫一生長負信陵恩
今朝埋骨寒山下
為報慈親休倚門

僧院影堂

香銷雲凝

一作散

舊僧家僧剝殘燈壁半斜日暮松煙空漠

漠秋風吹破妙

一作蓮華

紀夢

本事詩云渾常夢登山有宮室凌雲人云此崑崙也既入見數人方飲招之至暮而

罷渾賦詩云云他日復夢至其處飛瓊曰子何故顯余姓名於人間座上即改為天風吹下步

虛聲
曰善

曉入瑤臺露氣清
座中唯有許飛瓊
塵心未盡俗緣在

十里下山

一作山前

空月明


三十六灣

縹緲臨風思美人
荻花楓葉帶離聲
夜深吹笛移船去

三十六灣秋月明

越中

石城花暖鷓鴣飛
征客春帆秋不歸
猶自保郎心似石
綾梭夜夜織寒衣



御定全唐詩卷五百三十八

欽定四庫全書

集部
御定全唐詩卷五百三十九

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張紹勗

欽定四庫全書

御定全唐詩卷五百三十九

李商隱

李商隱字義山懷州河內人令狐楚帥河陽奇其文使
與諸子游楚徙天平宣武皆表署巡官開成二年高鋈
知貢舉令狐綯雅善錯獎譽甚力故擢進士第調弘農
尉以忤觀察使罷去尋復官又試拔萃中選王茂元鎮
河陽愛其才表掌書記以子妻之得侍御史茂元死來

游京師久不調更依桂管觀察使鄭亞府為判官亞謫
循州商隱從之凡三年乃歸茂元與亞皆李德裕所善
絢以商隱為忘家恩謝不通京兆尹盧弘正表為府參
軍典箋奏絢當國商隱歸窮自解絢憾不置弘正鎮徐
州表為掌書記久之還朝復干絢乃補太學博士柳仲
郢節度劍南東川辟判官檢校工部員外郎府罷客滎
陽卒商隱初為文瑰邁奇古及在令狐楚府楚本工章
奏因授其學商隱儻偶長短而繇縟過之時溫廷筠段

成式俱用是相誇號三十六體樊南甲集二十卷乙集
二十卷玉溪生詩三卷今合編詩三卷

錦瑟

錦瑟無端五十絃一絃一柱思華年莊生曉夢迷蝴蝶
望帝春心託杜鵑滄海月明珠有淚藍田日暖玉生煙
此情可待成追憶只是當時已惘然

重過聖女祠

白石巖扉碧蘚滋上清淪

一作論

謫得歸遲一春夢雨常

飄瓦盡日靈風不滿旗
萼綠華來無定所
杜蘭香去未移時
玉郎會此通仙籍
憶向天階問紫芝

寄羅邵興

一作興

棠棣黃花發
忘憂碧葉齊
人閒微病酒
燕重遠兼泥
泚何由鑿青冥
未有梯高陽
舊徒侶時復一相攜

令狐舍人說昨夜西掖翫月因戲贈

昨夜玉輪明
傳聞近太清
涼波衝碧瓦
曉暈落金莖
露索秦宮井

一作穿

風絃漢殿箏
幾時絲竹頌
擬薦子虛名

崔處士

真人塞其內夫子入於機未肯投竿起惟歡負米歸雪
中東郭履堂上老萊衣讀遍先賢傳如君事者稀

自喜

自喜蝸牛舍兼容燕子巢綠筠遺粉籜紅藥綻香苞虎
過遙知甯魚來且佐庖慢行成醅酹鄰壁有松醪

題僧壁

捨生求道有前蹤乞腦剜身結願重大去便應欺粟顆

小來兼可隱針鋒蚌胎未

一作永

滿思新桂琥珀初成憶

舊松若信貝多真實語三生同聽一樓鐘

霜月

初聞征雁已無蟬百尺樓高

一作南

水接天青女素娥俱

耐冷月中霜裏鬪嬋娟

異俗二首

原注時從事嶺南

鬼瘡朝朝避春寒夜夜添未驚雷破柱不報水齊簷虎

箭侵膚毒魚鉤刺骨銛鳥言成謀訴

一作詐

多是恨彤幃

一作檐

戶盡懸秦網家多事越巫未曾容獺祭只是縱猪都點
對連鰲餌搜求縛虎符賈生兼事鬼不信有洪爐

歸墅

行李踰南極旬時到舊鄉楚芝應徧紫鄧橘未全黃渠
濁村春急旗高社酒香故山歸夢喜先入讀書堂

商於

商於朝雨霽歸路有秋光背塢猿收果投巖麝退香建
瓚真得勢橫戟豈能當割地張儀詐謀身綺季長清渠

州外月黃葉廟前霜今日看雲意依依入帝鄉

和孫朴韋蟾孔雀詠

此去三梁遠今來萬里攜西施因網得秦客被花迷可

在青鸚鵡非關碧野雞約眉憐翠羽刮目

一作膜

想金籠

瘴氣籠飛遠蠻花向坐低輕於趙皇后貴極楚懸黎都

護矜羅幕佳人炫繡袿屏風臨燭鈿捍撥倚香臍舊思

牽雲葉新愁待雪泥愛堪通夢寐畫得不端倪地錦排

蒼雁簾釘鏤白犀曙霞星斗外涼月露盤西妬好休誇

舞經寒且少啼紅樓三十級穩穩上丹梯

人欲

人欲天從竟不疑莫言圓蓋便無私秦中久已烏頭白
却是君王未備知

華山題王母祠

蓮華峰下鎖雕梁此去瑤池地共長好為麻姑到東海
勸栽黃竹莫栽桑

華清宮

天寶六載改驪山
溫泉宮曰華清宮

華清恩幸古無倫，猶恐蛾眉不勝人。
未免被他褒女一作氏笑，只教天子暫蒙塵。

楚澤

夕陽歸路後霜野，物聲乾集鳥翻漁。
艇殘虹一作紅拂馬鞍，劉楨元抱病虞。
寄數辭官白袷，經年卷西來及一作又。

早寒

蟬

本以高難飽，徒勞恨費聲。
五更疎欲斷，一樹碧無情。
薄

宦梗猶汎故園蕪已平煩君最相警我亦舉家清

江亭散席循柳路吟

歸官舍

春詠敢輕裁銜辭入半杯已遭江映柳更被雪藏梅寡
和真徒爾殷憂動即來從詩得何報惟感
一作二毛催看

潭州

潭州官舍暮樓空今古無端入望中湘淚淺深滋竹色
楚歌重疊怨蘭叢陶公戰艦空灘雨賈傳承塵破廟風
目斷故園人不至松醪一醉與誰同

贈劉司戶

黃

江風吹

一作揚

浪動雲根重碇危檣白日昏已斷燕鴻初

起勢更驚騷客後歸魂漢廷急詔

一作召

誰先入楚路高

歌自欲翻萬里相逢歡復泣鳳巢西隔九重門

哭劉司戶二首

離居星歲易失望死生分酒甕凝餘桂書籤冷舊芸江
風吹雁急山木帶蟬曛一叫千迴首天高不為聞

有美扶皇運無誰薦直言已為秦逐客復作楚冤魂溢

浦應分派荆江有會源并將添恨淚一灑問乾坤

悼傷後赴東蜀辟至散關遇雪

劍外從軍遠無家與寄衣散關三尺雪回夢舊鴛機

樂遊原

向晚意不適驅車登古原夕陽無限好只是近黃昏

北齊二首

一笑相傾國便亡何勞荆棘始堪

一作悲

傷小憐玉體橫

陳夜已報周師入晉陽

巧笑知堪敵萬幾傾城最在著戎衣晉陽已陷休回顧
更請君王獵一圍

街西池館

白閣他年別朱門此夜過疎簾留月魄珍簾接煙波太
守三刀夢將軍一箭歌國租容客旅香熟玉山禾

南朝

玄武湖中玉漏催雞鳴埭口繡襦迴誰言瓊樹朝朝見
不及金蓮步步來敵國軍營漂木梯前朝神廟鎖煙煤

滿宮學士皆顏

一作蓮

色江令當年只費才

復京

德宗建中四年朱泚叛上如奉天興元元年李晟收復京城

虜騎胡兵一戰摧萬靈回首賀軒臺天教李令心如日
可要昭陵石馬來

渾河中

渾城與李晟同平朱泚德宗還宮以城為河中尹

九廟無塵八馬回奉天城壘長春苔咸陽原上英雄骨
半向君家養馬來

鄴杜馬上念漢書

一云五陵懷古

世上蒼龍種人間武帝孫
小來惟射獵興罷得乾坤
渭水天開苑咸陽地獻原
英靈殊未已丁傳漸華軒

柳

動春何限葉撼曉幾多枝
解有相思苦應無不舞時
絮飛藏皓蝶帶弱露黃鸝
傾國宜通體誰來一作家獨賞者

巴江柳

巴江可惜柳柳色綠侵江
好向金鑾殿移陰入綺窗

咸陽

咸陽宮闕鬱嵯峨六國樓臺豔綺羅自是當時天帝醉
不關秦地有山河

同崔八詣藥山訪融禪師

共受征南不次恩報恩惟是有忘言巖花澗草西林路
未見高僧只見猿

聞著明凶問哭寄飛卿

昔歎讒銷骨今傷淚滿膺空餘雙玉劍無復一壺冰江
勢翻銀礫一作漢天文露玉繩何因攜庾信同去哭徐陵

聽鼓

城頭疊鼓聲城下暮江清
欲問漁陽慘時無禰正平

送崔珏往西川

年少因何有旅愁
欲為東下更西遊
一條雪浪吼巫峽
千里火雲燒益州
卜肆至今多寂寞
酒壚從古擅風流
浣花牋紙桃花色
好好題詩詠玉鉤

代贈

楊柳路盡處芙蓉湖上頭
雖同錦步障獨映一作應鈿塢

簇鴛鴦可羨頭俱白飛去飛來煙雨秋

桂林

城窄山將壓江寬地共浮東南通絕域西北有高樓神
護青楓岸龍移白石湫殊鄉竟何禱簫鼓不曾休

夜雨寄北

君問歸期未有期巴山夜雨漲秋池何當共剪西窗燭
却話巴山夜雨時

陳後宮

茂苑城如畫閭門瓦欲流還依水光殿更起月華樓侵
夜鸞開鏡迎冬雉獻裘從臣皆半一作伴醉天子正無愁

屬疾

許靖猶羈宦安仁復悼亡茲辰聊屬疾何日免殊方秋
蝶無端麗寒花只暫一作更不香多情真命薄容易即迴腸

石榴

榴枝婀娜榴實繁榴膜輕明榴子鮮可羨瑤池碧桃樹

碧桃

一作
看

紅頰一千年

明日

天上參旗過人間燭燄銷誰言整雙履便是隔三橋知

處黃金鑠曾來

一作求

碧綺寮凭欄明日意池閣雨蕭蕭

飲席戲贈同舍

洞中屐響省分攜不是花迷客自迷珠樹重行憐翡翠

玉樓雙舞羨鷗雞蘭迴舊藥綠屏

一作屏綠

椒綴新香和

壁泥唱盡陽關無限疊半杯松葉凍頗黎

西溪

近郭西溪好誰堪共酒壺苦吟防柳惺多淚怯楊朱野
鶴隨君子寒松揖大夫天涯常病意岑寂勝歡娛

憶梅

定定住

一作任

天涯依依向物華寒梅最堪恨常作去年

花

贈柳

章臺從掩映郢路更參差見說風流極來當婀娜時橋
迴行欲斷隄遠意相隨忍放花如雪青樓撲酒旗

詠柳

已帶黃金縷仍飛白玉花
長時須拂馬密處少藏鴉
睂細從他斂腰輕莫自斜
玳梁誰道好偏擬映盧家

北禽

為戀巴江好一作暖無辭瘴霧蒸
縱能朝杜宇可得值蒼

鷹石小虛填海蘆
銛未破矧知來有乾鵲
何不向雕陵

初起

想像咸池日欲光
五更鐘後更迴腸
三年苦霧巴江水

不為離人照屋梁

楚宮

複壁交青瑣重簾挂紫繩如何一柱觀不礙九枝燈扇
薄常規月釵斜只鏤冰歌成猶未唱秦火入夷陵

柳

柳映江潭底有情望中頻遣客心驚巴雷隱隱千山外
更作章臺走馬聲

石城

石城誇窈窕花縣更風流簞水

卑病切一作水非

將飄枕簾烘

不隱鉤玉童收夜鑰金狄守更籌共笑鴛鴦綺鴛鴦兩

白頭

韓碑

元和天子神武姿彼何人哉軒與義誓將上雪列聖恥
坐法宮中朝四夷淮西有賊五十載封狼生羆羆生羆
不據山河據平地長戈利矛日可麾帝得聖相相曰度

原注晏子春秋仲尼聖相也

賊斫不死神扶持腰懸相印作都統陰

風慘澹天王旗想武古通作牙爪

李愬韓弘李道古李文通

儀曹外

郎載筆隨

李正封馮宿李宗閔皆從度出征

行軍司馬智且勇

度奏韓愈克行

軍司馬

十四萬衆猶虎貔入蔡縛賊獻太廟功無與讓恩

不訾帝曰汝度功第一汝從事愈宜為辭愈拜稽首蹈

且舞金石刻畫臣能為古者世稱大手筆此事不繫於

職司當仁自古有不讓言訖屢領天子頤公退齋戒坐

小閣濡染大筆何淋漓點竄堯典舜典字塗改清廟生

民詩文成破體書在紙清晨再拜鋪丹墀表曰臣愈昧

死上詠神聖功書之碑碑高三

一作二

丈字如斗

一作手

負

以靈鼇蟠以螭句奇語重喻者少讒之天子言其私長

絕百尺拽碑倒麤砂大石相磨治

碑辭多叙裴度事時

入蔡擒吳元濟李愬

功第一愬不平之愬妻唐安公主女也出入禁中因訴碑辭不實詔令磨去愬文命翰林學士段文昌重撰文勒公之斯文若元氣先時已入人肝脾湯盤孔鼎有述

作今無其器存其辭嗚呼聖皇及聖相相與烜赫流淳熙公之斯文不示後曷與三五相攀追願書萬本誦萬過口角流沫右手胝傳之七十有二代以為封禪玉檢

明堂基

令狐八拾遺

絢

見招送裴十四歸華州

二十中郎未足希

一作稀

驪駒先自有光輝
蘭亭讌罷方

回去雪夜詩成道韞歸
漢苑風煙吹客夢
雲臺洞穴接郊扉
嗟予久抱臨邛渴
便欲因君問釣磯

離思

氣盡前溪舞
心酸子夜歌
峽雲尋不得
溝水欲如何
朔雁傳書絕
湘簟染淚多
無由一作因見顏色
還自託微波

宿駱氏亭寄懷崔雍崔衮

竹塢無塵水檻清
相思迢遞隔重城
秋陰不散霜飛晚
留得枯荷聽雨聲

風雨

淒涼寶劍篇
羈泊欲窮年
黃葉仍風雨
青樓自管絃
新
知遭薄俗
舊好隔良緣
心斷新豐酒
銷愁斗幾千

夢澤

夢澤悲風動白茅
楚王葬盡滿城嬌
未知歌舞能多少

虛減宮厨為細腰

贈歌妓二首

水精如意玉連環
下蔡城危莫破顏
紅綻櫻桃含白雪
斷腸聲裏唱陽關

白日相思可

一作不

奈何嚴城清夜斷經過
只知解道春

來瘦不道春來獨自多

謝書

微意何曾有一毫
空攜筆硯奉龍韜
自蒙半夜傳衣後

不美王祥得佩刀

寄令狐學士

秘殿崔嵬拂彩霓
曹司今在殿東西
賡歌太液翻黃鵠
從獵陳倉獲碧雞
曉飲豈知金掌迴
夜吟應訝玉繩低
鈞天雖許人間聽
閭闔門多夢自迷

酬令狐郎中見寄

望郎

一作郊

臨古郡佳句灑丹青
應自丘遲宅仍過柳惲

汀封來江渺渺信去雨冥冥
句曲聞仙訣臨川得佛經

朝吟搯客枕夜讀漱僧瓶不見銜蘆雁空流腐草螢土
宜悲坎井天怒識雷霆象卉分疆近蛟涎浸岸腥補羸
貪紫桂負氣託青萍萬里懸離抱危於訟閤鈴

七月二十八日夜與王鄭二秀才聽雨後夢作

初夢龍宮寶燄然瑞霞明麗滿晴天旋成醉倚蓬萊樹
有箇仙人拍我肩少頃遠聞吹細管一作笛聞聲不見隔

飛煙逡巡又過瀟湘雨雨打都領切又都歷切湘靈五十絃臂

見馮夷殊悵望鮫綃休賣海為田亦逢毛女無慘極龍

伯擎將華嶽蓮恍惚無倪明又暗低迷不已斷還連覺

來正是平階雨獨

一作未

背寒燈枕手眠

寄令狐郎中

嵩雲秦樹久離居
雙鯉迢迢一紙書
休問梁園舊賓客
茂陵秋雨病相如

漫成三首

不妨何范盡詩家
未解當年重物
華遠把龍山千里雪
將來擬並洛陽花

沈約憐何遜延年毀謝莊清新俱有得名譽底相傷
霧夕詠芙蓉何郎得意初此時誰最賞沈范兩尚書

無題

一云陽城

白道縈迴入暮霞斑駁嘶斷七香車春風自共何人笑
枉破陽城十萬家

槿花二首

燕體傷風力難香積露文殷

鳥闌切

鮮一相雜啼笑兩難

分月裏寧無姣雲中亦有君三清與仙島何事亦離羣

珠館薰燃久玉房梳掃餘燒蘭才作燭襞錦不成書本
以亭亭遠翻嫌脈脈疎迴頭問殘照殘照更空虛

哭劉黃

上帝深宮

一作居

閉九閭巫咸不下問銜冤廣陵別後春

濤隔湓浦書來秋雨翻只有安仁能作詠何曾宋玉解
招魂平生風義兼師友不敢同君哭寢門

杜司勳

牧

高樓風雨感斯文短翼差池不及羣刻意傷春復傷別

人間惟有杜司勳

荊門西下

一夕南風一葉危
荊雲迴望夏雲時
人生豈得輕離別

天意何曾忌嶮巖
骨肉書題安絕徼

一作忘紀復

蕙蘭蹊徑

失佳期
洞庭湖闊蛟龍惡
却羨楊朱泣路歧

碧瓦

碧瓦銜珠樹紅輪

一作綸

結綺寮無雙漢殿
鬢第一楚宮

腰霧唾香難盡珠
啼冷易銷歌從雍門
學酒是蜀城燒

韓蛇翻羅幙曹蠅拂綺窗
雞迴玉勒融麝暖金缸
瑁明書閣琉璃冰去聲酒缸
畫樓多有主鸞鳳各雙雙

韓翃舍人即事

萱草含丹粉荷花抱綠房
鳥應悲蜀帝蟬是怨齊王
通內藏珠府應官解玉坊
橋南荀令過十里送衣香

公子

一盞新羅酒凌晨一作霜恐易消
歸應衝鼓半去不待笙

調歌好惟愁和香濃一作多
豈惜飄春場鋪艾帳下馬雉

媒嬌

子初全溪作

全溪不可到况復盡餘醅漢苑生春水昆池換劫灰戰
蒲知雁唼皺月覺魚來清興恭聞命言詩未敢迴

楊本勝說於長安見小男阿袞

聞君來日下見我最嬌兒漸大啼應數長貧學恐遲寄
人龍種瘦失母鳳雛癡語罷休邊角青燈兩鬢絲

西溪

悵望西溪水潺湲奈爾何不驚春物少只覺夕陽多色

染妖韶

一作
嬌

柳光含窈窕羅人間從到海天上莫為河

鳳女彈瑤瑟龍孫撼玉珂京華他夜夢好好寄雲波

柳下暗記

無奈巴南柳千條傍吹臺更將黃映白擬作杏花媒

妓席

樂府聞桃葉人前道得無勸君書小字慎莫喚官奴

少年

外戚平羗第一功
生年二十有重封
直登宣室螭頭上
橫過甘泉豹尾中
別館覺來雲雨夢
後門歸去蕙蘭叢
瀟陵夜獵隨田竇
不識寒郊自轉蓬

無題

近知名阿侯
住處小江流
腰細不勝舞
眉長惟是愁
黃金堪作屋
何不作重樓

玄微先生

仙翁無定數
時入一壺藏
夜夜桂露濕
村村桃水香
醉

中拋浩劫宿處起神光藥裏丹山鳳碁函白石郎弄河
移砥柱吞日倚扶桑龍竹栽輕策鮫綃一作
絲熨下裳樹
栽嗤漢帝橋板笑秦王徑欲隨關令龍沙萬里強

藥轉

鬱金堂北畫樓東換骨神方上藥通露氣暗連青桂苑
風聲偏獵紫蘭叢長籌未必輸孫皓香棗何勞問石崇
憶事懷人兼得句翠衾歸卧繡簾中

岳陽樓

欲為平生一散愁
洞庭湖上岳陽樓
可憐萬里堪乘興
枉是蛟龍解覆舟

寄成都高苗二從事

家近紅蕖曲水濱
全家羅襪起秋塵
莫將越客千絲網
網得西施別贈人

岳陽樓

漢水方城帶百蠻
四隣誰道亂周班
如何一夢高唐雨
自此無心入武關

越燕二首

上國社方見此鄉秋不歸為矜皇后舞猶著羽人衣拂
水斜紋亂銜花片影微盧家文杏好試近莫愁飛

將泥紅蓼岸得草綠楊村命侶添新意安巢復舊痕去

應逢阿母

原注樂府詩東飛伯勞西飛燕黃姑阿母長相見

來莫害王孫記取

丹山鳳今為百鳥尊

杜工部蜀中離席

人生何處不離羣世路干戈惜暫分雪嶺未歸天外使

松州猶駐殿前軍
座中醉客延醒客
江上晴雲雜雨雲
美酒成都堪送老
當壚仍是卓文君

隋宮

紫泉宮殿鎖煙霞
欲取蕪城作帝家
玉璽不緣歸日角
錦帆應是到天涯
于今腐草無螢火
終古垂楊有暮鴉
地下若逢陳後主
宜宜重問後庭花

二月二日

二月二日江上行
東風日暖聞吹笙
花鬚柳眼各無賴

紫蝶黃蜂俱有情萬里憶歸元亮井三年從事亞夫營

新灘

一作春

莫悟

一作詩

遊人意更作風簷夜雨

一作雨夜聲

籌筆驛

猿

一作魚

鳥猶疑畏簡書風雲常為護儲胥徒令上將揮

神筆終見降王走傳車管樂有才終

一作真

不忝關張無

命欲

一作復

何如他年錦里經祠廟梁父吟成恨有餘

屏風

六曲連環接翠帷高樓半夜酒醒時掩燈遮霧密如此

雨落月明俱不知

春日

欲入盧家白玉堂
新春催破舞衣裳
蝶銜一作含紅藥蜂

銜粉共助青樓一日忙

武侯廟古柏

蜀相階前柏
龍蛇捧閼宮
陰成外江畔
老向惠陵東
大

樹思馮異甘棠憶召公
葉凋湘燕雨枝折一作圻海鵬風

玉壘經綸遠
金刀歷數終
誰將出師表
一為問昭融

風

撩釵盤孔雀惱帶拂鴛鴦羅薦誰教近齋時鎖洞房

即日

一歲林花即日休江間

一作門

亭下悵淹留重吟細把真

無奈已落猶開未放愁山色正來銜小苑春陰只欲傍

高樓金鞍忽散銀壺漏

一作滴

更醉誰家白玉鉤

九成宮

九成宮本隋仁壽宮貞觀間修之以避暑因更名

十二層城閭苑西平時避暑拂虹霓雲隨夏后雙龍尾

風逐周王八駿

一作馬

啼吳岳曉光連翠巘甘泉晚景上

丹梯荔枝盧橘沾恩幸鸞鵲天書濕紫泥

少將

族亞齊安陸風高漢武威煙波別墅醉花月後門歸青海聞傳箭天山報合圍一朝攜劍起上馬即如飛

詠史

歷覽前賢國與家成由勤儉破由奢何須琥珀方為枕

豈得真

一作待珍

珠始是車運去不逢青海馬力窮難拔蜀

山蛇幾人曾預南薰曲終古蒼梧哭翠華

贈白道者

一作詠史
第二首

十二樓前再拜辭靈風正滿碧桃枝壺中若是有天地
又向壺中傷別離

無題二首

昨夜星辰昨夜風畫樓

一作堂

西畔桂堂東身無綵鳳雙

飛翼心有靈犀一點通隔坐送鉤春酒暖分曹射覆蠟

燈紅嗟余聽鼓應官去走馬蘭臺類斷

一作轉

蓬

聞道閭門萼綠華昔年相望抵一作尚天涯豈知一夜秦

樓客偷看吳王苑內花

漢宮詞

青雀西飛竟未迴君王長在集靈臺侍臣最有相如渴
不賜金莖露一杯

無題四首

來是空言去絕踪月斜樓上五更鐘夢為遠別啼難喚
書被催成墨未濃蠟照半籠金翡翠麝熏微度繡芙蓉

劉郎已恨蓬山遠更隔蓬山一萬重

颯颯東風細雨來芙蓉塘外有輕雷金蟾鬪鏤燒香入
玉虎牽絲汲井迴賈氏窺簾韓掾少宓妃留枕魏王才
春心莫共花爭發一寸相思一寸灰

含情春晚

一作院

晚暫見夜闌干樓響將登怯簾烘欲過

難多羞釵上燕真媿鏡中鸞歸去橫塘曉華星送寶鞍
何處哀箏隨急管櫻花永巷垂楊岸東家老女嫁不售
白日當天三月半溧陽公主年十四清明暖後同牆看

歸來展轉到五更梁間燕子聞長歎

赴職梓潼留別畏之員外同年

佳兆聯翩遇鳳凰雕文羽帳紫金牀桂花香處同高第

柿葉翻時獨悼亡烏鵲失

一作

樓長不定鴛鴦何事自

相將京華庸蜀三千里送到咸陽見夕陽

桂林路

一作道

中作

地暖無秋色江晴有暮暉空餘蟬嘒嘒猶向客依依村
小犬相護沙平僧獨歸欲成西北望又見鷓鴣飛

無題

照梁初有情出水舊知名
裙衩芙蓉小釵茸翡翠輕
錦長書鄭重眉細恨分明
莫近彈碁局中心最不平

蝶三首

初來小苑中稍與瑣闌通
遠恐芳塵斷輕憂豔雪融
只知防皓一作灝露不覺逆尖風
迴首雙飛燕乘時入綺櫳

長眉畫了繡簾開碧玉行
收白玉臺為問翠釵釵上鳳
不知香頸為誰迴

壽陽公主嫁時妝八字宮眉捧額黃見我佯羞頻照影
不知身屬冶遊郎

無題二首

八歲偷照鏡長眉已能畫十歲去踏青芙蓉作裙衩十
二學彈箏銀甲不曾卸十四藏六親懸知猶未嫁十五

泣春風背面

一作立

鞦韆下

幽人不倦賞秋暑貴招邀竹碧轉悵望池清尤寂寥露
花終裊濕風蝶強嬌饒此地如攜手兼君不自聊

王十二兄與畏之員外相訪見招小飲時予以
悼亡日近不去因寄

謝傳門庭舊未行今朝歌管屬檀郎更無人處簾垂地
欲拂塵時簾竟牀嵇氏幼男猶可憫左家嬌女豈能忘
秋一作愁霖腹疾俱難遣萬里西風夜正長

隋宮一作云
隋堤

乘興南遊不戒嚴九重誰省諫書函春風舉國裁宮錦
半作障泥半作帆

落花

高閣客竟去小園花亂飛
參差連曲陌迢遞送斜暉
腸斷未忍掃眼穿仍欲歸

一作稀

芳心向春盡所得是沾衣

月一作秋月

池

一作樓

上與橋

一作池

邊難忘復可憐
簾開最明夜簾卷

已涼天流處水花急吐時雲
葉鮮姮一作婦娥無粉黛只

是逞嬋娟

贈宗魯筇竹杖

大夏資輕策全溪贈所思
靜憐穿樹遠滑想過苔遲
鶴怨朝還望僧閒暮有期
風流真底事常欲傍清羸

垂柳

娉婷小苑中婀娜曲池東
朝佩皆垂地仙衣盡帶風
七賢寧占竹三品且饒松
腸斷靈和殿先皇玉座空

曲池

日下繁香不自持月中流豔與誰期
迎憂急鼓疎鐘斷
分隔休燈滅燭時
張蓋欲判江濫濫
迴頭更望柳絲絲

從來此地黃昏散未信河梁是別離

代應二首

溝水分流西復東九秋霜月五更風離鸞別鳳今何在
十二玉樓空更空

昨夜雙鉤敗今朝百草輸關西狂小吏惟喝遶牀盧

席上作

原注予為桂州從事故府鄭公出家妓
今賦高唐詩一本題作席上贈人注云

故桂林蒙陽公席上
出家妓鄭公鄭亞也

淡雲輕雨拂高唐玉殿秋來夜正長料得也應憐宋玉

一生惟事楚襄王

一云淡煙微雨恐高唐一曲清塵遠
畫梁料得也應憐宋玉只因無奈楚

襄王

訪隱者不遇成二絕

秋水悠悠浸野

一作野

扉夢中來數覺來稀玄蟬去

一作脫

盡葉黃落一樹冬青人未歸

城郭休過識者稀
哀猿啼處有柴扉
滄江白日樵漁路
日暮歸來雨滿衣

破鏡

玉匣清光不復持
菱花散亂月輪虧
秦臺一照山雞後
便是孤鸞罷舞時

無題

紫府仙人號寶燈
雲漿未飲結成冰
如何雪月交光夜
更在瑤臺十二層

贈庾十二朱版

原注時庾在翰林朱書版也

固漆投膠不可開
贈君珍重抵瓊瑰
君王曉坐金鑾殿
只待相如草詔來

李花

李徑獨來數愁情相與懸自明無月夜強笑欲風天減
粉與園籜分香沾

一作活

渚蓮徐妃久已嫁猶自玉為鈿

柳

曾逐東風拂舞筵樂遊春苑斷腸天如何肯到清秋日
已帶斜陽又帶蟬

三月十日流杯亭

身屬中軍少得歸木蘭花盡失春期偷隨柳絮到城外

行過水西聞子規

過招國李家南園二首

潘岳無妻客為愁
新人來坐舊妝樓
春風猶自疑聯句
雪絮相和飛不休

長亭歲盡雪如波
此去秦關路幾多
惟有夢中相近分
卧來無睡欲如何

留贈畏之

原注時將赴職梓潼遇韓朝迴三首

清時無事奏明光
不遣當關報早霜
中禁詞臣尋引領

左川歸客自迴腸郎君下筆驚鸚鵡侍女吹笙弄鳳凰

空寄

一作云當作記

大羅天上事衆仙同日詠霓裳

待得郎來月已低寒暄不道醉如泥五更又欲向何處
騎馬出門烏夜啼

戶外重陰黯不開含羞迎夜復臨臺瀟湘浪上有煙景
安得好風吹汝來

為有

為有雲屏無限嬌鳳城寒盡怕春宵無端嫁得金龜婿

辜負香衾事早朝

無題

相見時難別亦難東風無力百花殘
春蠶到死絲方盡蠟炬成灰淚始乾
曉鏡但愁雲鬢改夜吟應覺月光寒
蓬山此去無多路青鳥殷勤為探看

碧城三首

碧城十二曲闌干犀辟塵埃玉辟寒
閨苑有書多附鶴女牀一作牆無樹不棲鸞
星沈海底當窗見雨過河源隔

座看若是曉珠明又定一生長對水晶盤

對影聞聲已可憐玉池荷葉正田田不逢蕭史休回首

莫

一作若

見洪崖又拍肩紫鳳放嬌銜楚佩赤鱗狂舞撥

湘絃鄂君悵望舟中夜繡被焚香獨自眠

七夕來時先有期洞房簾箔至今垂玉輪顧兔初生魄
鐵網珊瑚未有枝檢與神方教駐景收將鳳紙寫相思
武皇內傳分明在莫道人間總不知

對雪二首

原注時
欲之東

寒

一作與

氣先侵玉女扉清光旋透省郎闌梅花大庾嶺

頭發柳絮章臺街裏飛欲

一作却

舞定隨曹植馬有情應

濕謝莊衣龍山萬里無多遠留待行人二月歸

旋撲珠簾過粉牆輕於柳絮重於霜已隨江令誇瓊樹
又入盧家妬玉堂侵夜可能爭桂魄忍寒應欲試梅妝
闌河凍合東西路腸斷斑駁送陸郎

蜂

小

一作少

苑華池爛漫通後門前檻思無窮宓妃腰細纔

勝露趙后身輕欲倚風紅壁寂寥崖蜜盡碧簾迢遞霧
巢空青陵粉蝶休離恨長定相逢二月中

公子

外戚封侯自有恩平明通籍九華門金唐公主年應小
二十君王未許婚

賦得雞

稻梁猶足活諸雛妬敵專場好自娛可要五更驚曉夢
不辭風雪為陽烏

明神

明神司過豈令寃暗室由來有禍門
莫為無人欺一物他時須慮石能言

辛未七夕

恐是仙家好別離故教迢遞作佳期
由來碧落銀河畔可要金風玉露時
清漏漸移相望久微雲未接過來遲
豈能無意酬烏鵲惟與蜘蛛乞巧絲

壬申七夕

已駕七香車心心待曉霞風輕惟響珮日薄不嫣花桂
嫩傳香遠榆高送影斜成都過卜肆曾妬識靈槎

壬申閏秋題贈烏鵲

繞樹無依月正高鄴城新淚濺雲袍幾年始得逢秋閨
兩度填河莫告勞

端居

遠書歸夢兩悠悠只有空牀敵素秋堦下青苔與紅樹
雨中寥落月中愁

夜半

三更三點萬家眠
露欲為霜月隨煙
鬪鼠上堂蝙蝠出
玉琴時動倚窗絃

玉山

玉山高與

一作共

閨風齊玉水清流
不貯泥何處更求回

日馭此中兼有上天梯
珠容百斛龍休睡
桐拂千尋鳳要棲
聞道神仙有才子
赤簫吹罷好相攜

張惡子廟

下馬捧椒漿迎神白玉堂如何鐵如意獨自與姚萇

雨

撼撼度瓜園依依傍竹軒秋池不自冷風葉共成喧窗
迴有時見簷高相續翻侵宵送書雁應為稻梁恩

菊

暗暗淡紫融融冶冶黃陶令籬邊色羅含宅裏香幾
時禁重露實是怯殘一作斜陽願泛金鸚鵡升君白玉堂

牡丹

錦幃初卷衛夫人

原注典畧云夫子見南子在錦幃之中

繡被猶堆越鄂

君垂手亂翻雕玉佩招折

一作

腰爭舞

一作細腰頻換

鬱金裙石

家蠟燭何曾剪荀令香爐可待熏我是夢中傳彩筆欲

書花葉

一作片

寄朝雲

北樓

春物豈相干人生只強歡花猶曾斂夕酒竟不知寒異

域東風濕中華上象寬此樓堪北望輕命倚

一作俯

危欄

擬沈下賢

千二百輕鸞春衫瘦著寬倚風行稍急含雪語應寒帶
火遺金斗蕪珠碎玉盤河陽看花過曾不問潘安

蝶

飛來繡戶陰穿過畫樓深重傳秦臺粉輕塗漢殿金相
兼惟柳絮所得是花心可要凌孤客邀為子夜吟

飲席代官妓贈兩從事

新人橋上著春衫舊主江邊側帽簷

原注隋獨孤信舉
止風流曾風吹帽

簷側觀
者塞路願得化為紅綬帶許教雙鳳一時銜

代魏宮私贈

原注黃初三年已隔存沒追代其意何必同時亦廣子夜鬼歌之流

來時西館阻佳期去後漳河隔夢思知有宓妃無限意

春松

一作蘭

秋菊可同時

代元城吳令暗為答

背闕歸藩路欲分水邊風日半西
曛荆王枕上原無夢
莫枉陽臺一片雲

牡丹

歷逕復緣溝當窗又映樓終銷一國破不啻萬金求鸞

鳳戲三島神仙居十洲應憐萱草淡却得號忘憂

百果嘲櫻桃

珠寶雖先熟瓊芽縱早開流鶯猶故在一作向爭得諱含

來

櫻桃答

衆果莫相誚天生名品高何因古樂府惟有鄭櫻桃

曉坐

一云後閣

後閣

一作閣

罷朝眠前墀思黯然梅應未假雪柳自不勝

煙淚續淺深
綆腸危高下
絃紅顏無定所得失
在當年

詠史

北湖南埭水漫漫
一片降旗百尺竿
三百年間同曉夢
鍾山何處有龍盤

一片

一片非煙隔九枝
蓬壺仙仗儼雲旗
天泉水暖龍吟細
露畹春多鳳舞遲
榆莢散來星斗轉
桂花尋去月輪移
人間桑海朝朝變
莫遣佳期更後期

日射

日射紗窗風撼扉香羅拭手春事違迴廊四合掩寂寞
碧鸚鵡對紅薔薇

題鵞

眠沙卧水自成羣曲岸殘一作斜陽極浦雲那解一作得將

心憐孔雀一作雀羈雌長共故雄分

華清宮

朝元閣迴羽衣新首按昭陽第一人當日不來高處舞

可能天下有胡塵

梓潼望長卿山至巴西復懷譙秀

梓潼不見馬相如更欲南行問

一作望

酒壚行到巴西覓

譙秀巴西惟是有寒蕪

齊宮詞

永壽兵來夜不扃金蓮無復印中庭
梁臺歌管三更罷猶自風搖九子鈴

十一月中旬至扶風界見梅花

匝

一作雨

路亭亭豔非時裊裊香素娥惟與月青女不饒

霜贈遠虛盈手傷離適斷腸為誰成早秀不待作年芳

青陵臺

青陵臺畔日光斜萬古貞

一作春

魂倚暮霞莫訝

一作許

韓

憑為蛺蝶等閒飛上別枝花

東還

自有仙才自不知十年長夢採華芝秋風動地黃雲暮

歸去嵩陽尋舊師

酬崔八早梅有贈兼示之作

知訪寒梅過野塘久留金勒為迴腸
謝郎衣袖初翻雪
荀令熏爐更換香何處拂胸資蝶粉
幾時塗額藉蜂黃

維摩一室雖多病亦要

一作舞

天花作道場

原注時余在惠祥上人講

下故崔落句有梵王宮地羅含宅賴許時時聽法來

春風

春風雖自好春物太昌昌
若教春有意惟遣一枝芳
我意殊春意先春已斷腸

蜀桐

玉壘高桐

一作梧

拂玉繩上含非

一作霏

霧下含氷枉教紫

鳳無棲處斲

作秋琴彈壞

一作廣

陵

漢宮

通靈夜醮達清晨承露盤晞甲帳春王母不來

一作西歸

方

朔去更須重見李夫人

判春

一桃復一李井上占年芳笑處如臨鏡窺時不隱牆敢

言西子短誰覺
宓妃長珠玉終相類
同名作夜光

促漏

促漏遙鐘動靜聞
報章重疊杳

一作字

難分舞鸞鏡匣收

殘黛睡鴨香爐換
夕熏歸去定

一作豈

知還向月夢來何

處更為雲南塘漸暖
蒲堪結兩兩鴛鴦護水紋

江東

驚魚撥刺燕翩翩
獨自江東上釣船
今日春光太漂蕩

謝家輕絮沈郎錢

讀任彥昇碑

任昉當年有美名可憐才調最縱橫
梁臺初建應惆悵不得蕭公作騎兵

荷花

都無色可並不奈此香何
瑤席乘涼設金羈落晚一作曉

過迴一作覆衾燈照綺渡鞦韆水沾羅
預想前秋一作愁前別離

居夢樵歌

五松驛

獨下長亭念過秦五松不見見輿薪只應既斬斯高後
尋被樵人用斧斤

灞岸

山東今歲點行頻幾處冤魂哭虜塵灞水橋邊倚華表
平時二月有東巡

送臻師二首

昔去靈山非拂席今來滄海欲求珠楞伽頂上清涼地
善眼仙人憶我無

苦海迷途去未因東方過此幾微塵何當百億蓮花上
一一蓮花見佛身

七夕

鸞扇斜分鳳幄開星橋橫過鵲飛迴爭將世上無期別
換得年年一度來

謝先輩防記念拙詩甚多異日偶有此寄

曉用雲添句寒將雪命篇良辰多自感作者豈皆

一作徒

然熟寢初同鶴含嘶欲竝蟬題時長不展得處定應偏

南浦無窮樹西樓不住煙改成人寂寂寄與路綿綿星
勢寒垂地河聲曉上天夫君自有恨聊借此中傳

馬嵬二首

冀馬燕犀動地來自埋紅粉自成灰君王若道能一作堪

傾國玉輦何由過馬嵬

海外徒聞更九州

原注鄒衍云九州之外復有九州

他生未卜

一作決

此

生休空聞虎旅傳

一作鳴

宵柝無復雞人報曉籌此日六

軍同駐馬當時七夕笑牽牛如何四紀為天子不及盧

家有莫愁

可歎

幸會東城宴未迴年華憂共水相催
梁家宅裏秦宮入
趙后樓中赤鳳來
冰簟且眠金鏤枕
瓊筵不醉玉交杯
宓妃愁坐芝田館
用盡陳王八斗才

望喜驛別嘉陵江水二絕

嘉陵江水此東流
望喜樓中憶閬州
若到閬中還赴海
閬州應更有高樓

千里嘉陵江水色含煙帶月碧於藍今朝相送東流後
猶自驅車更向南

別薛岳賓

曙爽行將拂晨清坐欲凌別離真不那風物正相仍漫
水任一作清誰照衰花淺自矜還將兩袖淚同向一窗燈

桂樹乖真隱芸香是小懲清規無以況且用玉壺冰

富平少侯

七國三邊未到憂十三身襲富平侯不收金彈拋林外

却惜銀牀在井頭
綵樹轉燈珠錯落
繡檀迴枕玉雕鏤
當關不報侵晨客
新得佳人字莫愁

腸

有懷非惜恨不奈寸腸何
即席迴彌久前時斷固多
熱應翻急燒冷欲徹微波
隔樹淅淅雨通池點點荷
倦程山向背望國闕嗟
我故念飛書及新懽
借夢過染筠休伴淚繞雪
莫追歌擬問陽臺事年深
楚語訛

贈宇文中丞

欲構中天正急材自緣煙水戀平臺人間只有嵇延祖

最望山公啓事來

原注公盛歎亡友
張君故有此句

曉起

擬杯當曉起呵鏡可微寒隔箔山櫻熟寒帷燭殘書
長為報晚夢好更尋難影響輸雙蝶偏過舊畹蘭

閨情

紅露花房白蜜脾黃蜂紫蝶兩參差春窗一覺風流夢
却是同袍不得知

月夕

草下陰蟲葉上霜
朱欄迢遶壓湖光
兔寒蟾冷桂花白
此夜姮娥應斷腸

杏花

上國昔相值
亭亭如欲言
異鄉今暫賞
眇眇豈無恩
援少風多力
墻高月有痕
為舍無限意

一作思

遂對

一作到

不

勝繁仙子玉京路主

一作佳

人金谷園幾時辭碧落誰伴

過黃昏鏡拂鉛華膩
爐藏桂燼溫
終應催竹葉
先擬詠

桃根莫學啼成血從教夢寄魂吳王採香徑失路入煙村

燈

皎潔終無倦煎熬亦自求花時隨酒遠雨後背窗休冷
暗黃茅驛暄明紫桂樓錦囊名畫揜玉局敗碁收何處
無佳夢誰人不隱憂影隨簾押轉光信簟文流客自勝
潘岳儂今定莫愁固應留半燄迴照下幃羞

清河

舟小迴仍數樓危
亦頻燕來從及社
蝶舞太侵晨絳
雪除煩後一作俊霜梅取味
新年華無一事只是自傷春

鞦

嘗聞宓妃鞦渡水
欲生塵好借常娥著
清秋踏月輪

追代盧家人嘲堂內

道却橫波字人前
莫謾羞只應同楚水
長短入淮流

代應

本來銀漢是紅牆
隔得盧家白玉堂
誰與王昌報消息

盡知三十六鴛鴦

離亭賦得折楊柳二首

樂府詩題
作楊柳枝

暫憑樽酒送無憀
莫損愁眉與細腰
人世死前惟有別
春風爭擬惜長條

含煙惹霧每依依
萬緒千條拂落暉
為報行人休盡折
半留相送半迎歸

寄永道士

共上雲山獨下遲
陽臺白道細如絲
君今併倚三珠樹

不記

一作計

人間落葉時

華州周大夫宴席

原注西鈴

郡齋何用酒如泉
飲德先時已醉眠
若共門人推禮分
戴宗爭得及彭宣

荆山

壓河連華勢
孱顏鳥沒雲
歸一望間楊僕移
關三百里
可能全是為荆山

次陝州先寄源從事

離思羈愁日欲晡東周西雍此分塗迴鑾佛寺高多少
望盡黃河一曲無

過鄭廣文舊居

鄭虔

宋玉平生恨有餘遠循三楚弔三閭可憐留著臨江宅
異代應教庾信居

東下三旬苦于風土馬上戲作

路遠函關東復東身騎征馬逐驚蓬天池遼闊誰相待
日日虛乘九萬風

莫愁

雪中梅下與誰期
梅雪相兼一萬枝
若是石城無艇子
莫愁還自有愁時

夢令狐學士

山驛荒涼白竹扉
殘燈向曉夢清暉
右銀臺路雪三尺
鳳詔裁成當直歸

涉洛川

通谷陽林不見人
我來遺恨古時春
宓妃漫結無窮恨

不為君王殺灌均

原注灌均陳王之典
籤譜諸王于文帝者

有感

中路因循我所長
古來才命兩相妨
勸君莫強安蛇足
一醜芳醪不得嘗

宮妓

珠箔輕明拂玉墀
披香新殿闕腰支
不須看盡魚龍戲
終遣君王怒偃師

宮辭

君恩如水向東流得寵憂移失寵愁莫向尊前奏花落
涼風只在殿西頭

代贈二首

樓上黃昏欲望休玉梯橫絕月中一作如鉤芭蕉不展丁香

結同向春風各自愁

東南日出照高樓樓上離人唱石州總把春山掃眉黛
不知供得幾多愁

楚吟

山上離宮宮上樓樓前宮畔暮江流
楚天長短黃昏雨
宋玉無愁亦自愁

瑤池

瑤池阿母綺窗開黃竹歌聲動地哀
八駿日行三萬里
穆王何事不重來

柳

為有橋邊拂面香何曾自敢占流光
後庭玉樹承恩澤
不信年華有斷腸

寄在朝鄭曹獨孤李四同年

昔歲陪遊舊跡多
風光今日兩蹉跎
不因醉本蘭亭在
兼忘當年舊永和



御定全唐詩卷五百三十九